



Plata dla Ploania Antermëia Sant'Antone Abat

UNITÉ PASTORALA



Ploian: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann B **08.04.2018 – 15.04.2018 – 2. domënia de Pasca -
domënia blancia** n. 19
domënia dla misericordia de ChelbelDî

La forza dla fede che müda le monn

 **St.Ap 4, 32–35 | 1 Jan 5, 1–6 | Jan 20, 19–31**


Dal Vangele do San Jan:

¹⁹La sëra dl pröm dé dl'edema, canche i discepui â dala tëma dan dai iüdes sarè pro les portes, él gnü Gejù, é jü amesa ëi ite y ti à dit: Pêsc a os! ²⁰Do chëstes parores ti àl mostrè sües mans y so costà. Dailó se ralegrâ i discepui da odëi le Signur. ²¹Gejù ti à ciamò n iade dit: Pêsc a os! Sciöchë le Pere m'â menè mè, insciö ves mëni iö os. ²²Do ch'al â albü dit chësc, ti àl fladè ados y ti à dit: Recioiéde le Spirit Sant! ²³A chi che os ti lascëis do i piçià, ti ési lascià do; y a chi che os ne ti ai lascëis nia do, ne ti ési nia lascià do. ²⁴Tomesc, nominé Didimus (jomelin), un di dodesc, n'ê nia pro d'ëi, canche Gejù ê gnü. ²⁵I atri discepui ti à spo dit: I ùn odü le Signur. Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne creii nia. ²⁶Otedé do ê sü discepui indô abinà adöm, y Tomesc ê laprò. Dailò é gnü Gejù – les portes ê stlütës pro – é jü amesa ëi ite y à dit: Pêsc a os! ²⁷Spo ti àl dit a Tomesc: Tëgn ca to dëit – chilò é mies mans! Tëgn ca túa man y mëtela te mi costà, y ne stè a ester descredënt, mo credënt! ²⁸Tomesc ti à respognü: Mi Signur y mi Dî! ²⁹Gejù ti à dit: Deache te m'as odü, creieste. Beâc é chi che ne vëiga nia y crei impò. ³⁰Ciamò tröc d'atri sëgns, che n'è nia scric sö te chësc liber, él stè Gejù che à fat dan dai edli de sü discepui. ³¹Mo chisc é gnüs scric sö ch'i cherdëise che Crist é le Messia, le Fi de Dî, y ch'i ëise, tres la fede, la vita te so inom.

Atlamaziun

DLA DOMËNIA

Deache te m'as odü, Tomesc, creieste. Beâc è chi co ne veiga nia y crei empò! Alleluia.

 **Letöres dla Terza domënia de Pasca:
St.Ap 3, 12a.13–15.17–19 | 1 Jan 2, 1–5a | Lc 24, 35–48**

Edema liturgica dai 08.04. ai 15.04.2018

2018	Ora	Mëssa
2. DOMENIA 08.04 de PASCA Dom. dla misericordia Domenia blancia <i>(indulgënza plenara)</i>	9.30 10.00	Corona Gran Messa por la comunité a onur de s. Ujöp Freinademetz fam. de Frapes (ad intenziun)
LÖNESC 09.04 ANUNZIAZIUN s. Maria de merz	7.25	s. Messa a onur de s. Maria + Tio Clara
MERTESC 10.04		
MERCUI 11.04 <i>s. Stanislaus</i>	7.25	s. Messa di scolari + Vittoria Turnaretscher
JÖBIA 12.04		
VENDRES 13.04	7.25	s. Messa + Sepl Moling
SABEDA 14.04 s. Ciascian, martir s. Vigile, vesco Trënt patrons diozejans	18.30 !	Messa prefestia ++ Prada + Amalia Erlacher
3ª DOMENIA 15.04 DE PASCA <i>Kassiansonntag</i> <i>oferta Univer. de Milan</i>	9.30 10.00	Corona Gran Messa por la comunité a onur de s. Ujöp Freinademetz families Agreiter, Tru



Informaziuns y terminns

En sabeda, ai 14 d'aurí, dales 14.00, vëgnel zelebré sö **Oies** na Mëssa por families cun familiars "atramënter abli". Düc i familiars é inviá da tó pert.

En mercui, 11 d'aurí, dales 20.00 vëgnel tigní tl salf dles manifestaziuns a Lungiarü n **referat** cun siur Tone Fiung sura le tema "**N bun raport danter les generaziuns**" (organisé dala Uniun di Seniors da Lungiarü). Inviades é dötes les generaziuns.

La **farmacia Pütia** é stlüta dal 08/04/2018 al 15/04/2018.


La **doturia Margarete Mahlknecht** é demez le lönesc ai 9 d'aurí, y vëgn sostituida dal dotur Eduard Agreiter 0474 523 315 - 333 13 80 852.

En jöbia, ai 12 d'aurí, dales 15.30 - 17.30 tl Raiun Sozial a Picolin incuntada dl **Grup Atmosfera** por ères y ëi atocá da problems psichics. En chësc iade modelunse l'arjila do nosta fantasia cun Irina Tavella y Barbara Rungger. Infos pro Sabine Rainer 0474 524 519. Düc é bëgn gnüs.

Le vëndres, 20 d'aurí, dales 9.30 - 11.30, a Al Plan tl **Zënter Families Mareo** vëgnel mostré deplü poscibilités da **porté i pici mituns** (ince cun la peza), por ciafé fora cara che vá le miú por uma y möt. Le curs é limité a 4 porsones. Informaziuns y prenotaziuns pro Sofia 338 71 73 577.

Le **Cor Mosaic Singers&Players** inviëia al **konzert** en sabeda, ai 14 d'aurí, dales 20.00, tl salf dles manifestaziuns d'Al Plan „N monn de sonns – usc fines se lascia aldí“.

Al vëgn tigní n **curs da fá de vigni sort de trëces** tl Salon Manuela en lönesc, ai 23 d'aurí, dales 15.00 inant. Por prenotaziuns präibel telefoné a Manuela 0474 590 114 o 339 20 24 355. (Organisé dala Uniun dles Patrones dl Comun da San Martin de Tor).



Zuspruch AM SONNTAG

Zweiter Sonntag der Osterzeit

Nach Wissen verlangen, heißt im tiefsten Grunde immer: nach einem Sinn des Lebens suchen.

Rudolf Margolius

ODËI Y CRËIE


I vëighi ma n pice môt che adora aiüt –
y impó crëii, che chësta vita se svilupëia,
che ara ciafa so compit tla vita,
che ara ciafa fortuna y trasmët fortuna.

I vëighi ma n müs de n môt contënt –
y impó crëii che le môt á ligrëza ch'al ciafa segurté.

I vëighi pro mè instëssa ci che al o dí,
che mi geniturs, mi maestri, mi compagns á cherdü te me.
Ai á antizipé le bun che iö á impormó messü me arjunje.

Ci che i odun è n invit á ciaré ciamó plü inant;
a odëi deplü co ci che è al momënt danman.
Nosc crëie va dala esteriorieté tla profundité.



I á ligrëza cun chësc odëi y crëie.
I diji dilan de chësc.



Na uma

(fora de “Katholisches Sonntagsblatt”)

Mësses a Rina:	Dom 8.30	Dedol 19.30	Jöb 7.25	Sab 19.30	Dom 8.30
Mësses a San Martin:	Dom 9.30	Dedol 19.30	Jöb 7.30	Sab 18.30	Dom 9.30

	09.04.-14.04.2018	Kathrin - Kristel
	15.04.2018	Alissa – Vanessa – Elisa - Joel
	14.04.2018	Iaco Ellecosta
	15.04.2018	Giovanna Rubatscher

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it